

### **3. Aktivnosti na formiranju Suda časti AMUS-a**

Suočeni sa izdvojenim slučajevima neprimjerenog ponašanja pojedinih članova AMUS-a čiji su istupi i djelovanje u nekim slučajevima prijetili da neopravданo naruše ugled Udruženja, smatramo da je potrebno stvoriti preduslove za formiranje posebnog organa, Suda časti AMUS-a, što je praksa u brojnim sestrinskim organizacijama u svijetu. Formiranje ovog tijela zahtjeva izmjene odnosno dopune Statuta kao i donošenje novih internih akata koje je potrebno usaglasiti sa zakonima na čemu ćemo insistirati kako bi AMUS imao mogućnost reakcije u slučajevima kada je to neophodno a u svrhu zaštite ugleda AMUS-a, njegovih organa kao i samih autora, članova Udruženja.

### **4. Pravna pomoć članovima AMUS-a u ostvarivanju srodnih prava**

U 2018. godini Upravni odbor AMUS-a će biti na raspolaganju kolegama autora, članovima AMUS-a, koji su ujedno i nosioci srodnih prava (prava izvođača muzičkih djela i prava proizvođača fonograma), za svu savjetodavnu i pravnu pomoć povodom ostvarivanja njihovih prava.

### **5. Manifestacije, eventi i stručni skupovi**

Na temelju izuzetno pozitivnih reakcija od strane članstva kao i medija sa prve dodjele Godišnjih nagrada AMUS-a nastaviti ćemo s tim aktivnostima i u 2018. godini sa nastojanjem da ta manifestacija postane tradicionalna i prestižna u domenu muzičke umjetnosti u Bosni i Hercegovini. Takođe, nastaviti ćemo sa organizacijom stručnih skupova sa temama koje su od velikog značaja za autore kao i korisnike autorskih djela naših članova.

## **PLAN RADA STRUČNE SLUŽBE AMUS-A ZA 2018. GODINU**

Stručna služba AMUS-a, pa tako i sam AMUS, su iz godine u godinu sve uspješniji. U 2018. godini, kao rezultat rada u prethodnim godinama, očekujemo povećan stepen kulture / svijesti korisnika o poštivanju autorskih prava, koji će nadamo se uroditи usvajajuju tarifama sa ostalim kategorijama korisnika.

Kao krunu našem razvoju na međunarodnom planu, u skorijem periodu očekujemo rješavanje statusnog pitanja AMUS-a u CISAC-u odnosno prijem u punopravno članstvo.

Rad Stručne službe će u 2018. g., pored ostalih ciljeva i zadataka, imati fokus na:

### **Usklađivanju izvještavanja sa vodećom međunarodnom organizacijom - CISAC**

Značajan porast povjerenja stranih kolektivnih organizacija u rad AMUS-a potvrđuje veliki broj zaključenih novih recipročnih

ugovora u 2016. godini. Ovi i drugi rezultati AMUS-a na domaćem i međunarodnom planu, trebali bi otključati vrata AMUS-u ka prijemu u punopravno članstvo CISAC-a. Navedeno podrazumijeva i potrebu za usklađivanjem izvještavanja sa CISAC-ovim procedurama i pravilima, kojem ćemo se u 2018. godini još aktivnije posvetiti.

### **Povećanju slušanosti domaće muzike**

Kao cilj na kojem već radimo i kojem planiramo pružiti punu podršku i u 2018. godini jeste povećanje zastupljenosti korištenja djela domaćih autora na radiju i televiziji. Stručna služba AMUS-a namjerava održati novi set sastanka sa radijskim i televizijskim kućama i kontinuirano obogaćivati kolekciju/reperoar djela naših članova, koji će proslijedivati ovim kućama.

### **Tarifama**

Regulisanje što većeg broja oblika korištenja autorskih muzičkih djela, na primjeru kolega iz regije, bit će predmetom našeg fokusa u 2018. godini. Usvajanje novih tarifa i pozivanje korisnika na zaključenje pojedinačnih ugovora po osnovu tih tarifa (a time i proširenje kataloga korisnika AMUS-a koji izmiruju zakonsku obavezu plaćanja autorskih naknada), naš je prioritetni zadatak. Ovo je ujedno i korak ka osvješćivanju svijesti korisnika o obavezi poštivanja autorskih prava na širem nivou, te povećanoj naplati i zadovoljstvu autora.

### **Tužbama**

Očekujemo da ćemo sa novim korisnicima imati i nove tužbe, a sve do uvođenja kulture samostalnog prijavljivanja korištenja autorskih muzičkih djela od strane korisnika, kakva postoji u pojedinim zemljama i na primjeru pojedinih korisnika.

Na tužbama ćemo aktivno raditi i sram postajećih neodgovornih korisnika.

### **Mreži ovlaštenih terenskih zastupnika AMUS-a**

Za potrebe zaključenja novih ugovora sa područja cijele BiH, kao i dokazivanja korištenja autorske muzike povodom podnesenih tužbi, u 2018. godini radit će na jačanju i proširenju naše mreže zastupnika na terenu, neophodne za postizanje još boljih rezultata.

### **Kupovini poslovnog prostora**


Ukoliko u 2017. godini ne pronađemo adekvatne ponude poslovnog prostora, Stručna služba AMUS-a će u 2018. godini raditi na prikupljanju što boljeg izbora, kako bi posljedično članstvu obezbijedila što bolje ponude.

Kupovina poslovnog prostora dugoročno predstavlja uštede i sigurnost članica AMUS-a, kao organizacije pred kojom je sve uspješnija budućnost.

*„Ispred Stručne službe AMUS-a Vam se zahvaljujemo na ukazanom povjerenju, koje ćemo nastojati da pravdamo i u godinama koje slijede.“*



ASOCIJACIJA KOMPOZITORA  
MUZIČKIH STVARALAČA  
АСОЦИЈАЦИЈА КОМПОЗИТОРА  
МУЗИЧКИХ СТВАРАЛАЦА  
ASOCIJACIJA SKLADATELJA  
GLAZBENIH STVARALAČA



**POSLOVNI  
PLAN**

# PRIJEDLOG FINANSIJSKOG PLANA ZA 2018. GODINU

Finansijski plan je rađen po metodologiji knjigovodstvenog Bilansa stanja i Bilansa uspjeha kako bismo jednostavnije mogli pratiti i uporedivati prikazano.

## A. PLANIRANI PRIHODI U 2018.

| OSNOVA PRIHODA  | PLANIRANO (5.203.750) |
|---|-----------------------|
| Elektronski mediji<br><i>Projekcija uključuje sve elektronske medije oko 180 sa ugovorom (od njih oko 163 koji su dali pune podatke za utvrđivanje visine uplaćenih sredstava) i oko 17 koji još nisu potpisali ugovor.</i> | 1.055.750,00 KM       |
| Kablovski operateri   | 2.898.000,00 KM       |
| Javna izvedba   | 1.250.000,00 KM       |

## B. PLANIRANI RASHODI U 2018. GODINI – POJAŠNJENJA

|  |                 |
|--|-----------------|
| 1. Naknade za rad, Predsjedništva, Nadzornog odbora, Upravnog odbora, troškovi uposlenika Stručne službe i sekretara sa doprinosima i ostalim obavezama, naknade za rad, spoljni saradnici, terenski predstavnici lokalni i regionalni.<br>a. naknade za rad Predsjedništva, Upravnog i Nadzornog odbora   | 169.200,00 KM   |
| b. troškovi uposlenika Stručne službe i sekretara sa doprinosima i ostalim obavezama, plate, topli obrok, prevoz, regres, minuli rad, bonus, prekovremeni rad, porezi i doprinosi, naknade za noćni rad, rad praznikom i vikendom te za vjerske i druge praznike   | 555.580,00 KM   |
| c. Naknada za spoljne saradnike:   | 159.200,00 KM   |
| d. Naknada za rad lokalnih i regionalnih predstavnika:   | 70.000,00 KM    |
| 2. Službena putovanja u zemlji i inostranstvu:<br><i>Predstavljaju: troškove službenog putovanja, dnevnicu za službena putovanja, smještaja, korištenja privatnog automobila u službene svrhe, reprezentacija</i>  | 70.000,00 KM    |
| 3. Članarine u međunarodnim organizacijama:<br><i>Predstavljaju: kotizacija za seminare, obuka u međunarodnim organizacijama i članarine za međunarodne organizacije, jačanje kapaciteta, održavanje regionalnih sastanaka sestrinskih kolektivnih organizacija.</i>   | 25.500,00 KM    |
| 4. Rashodi za materijal i usluge i ostali poslovni rashodi u skladu sa bilansom:<br><i>Predstavljaju: sudski i administrativni troškovi, advokatske usluge, knjigovodstvene usluge, troškovi revizije, takse, zakup i korištenje prostora, režijski troškovi, troškovi telefona, poštanskih usluga, amortizacija, premije osiguranja, internet konekcije, troškovi platnog prometa, kancelarijski materijal, nabavka kompjuterske i kancelarijske opreme i namještaja, sitan inventar, ostali poslovni rashodi, komunalne usluge, troškovi oglašavanja (tenderi i dr.), troškovi obezbjeđenja prostora i sl.</i> | 375.000,00 KM   |
| 5. Troškovi održavanja software-a i edukacija:<br><i>Predstavljaju: troškove kupovine i održavanja software-a, troškovi za dodatni matching sistem, troškovi napredne edukacije za korištenje i upravljanje softwareom, unaprijeđenje web stranice i vizuelnog identiteta Udruženja, punjenje i održavanje baze podataka muzičkih djela, poslovna obuka u kolektivnim organizacijama, troškovi stručne literature, štampa informativno-edukativnih materijala.</i>   | 83.500,00 KM    |
| 6. Troškovi održavanja ostalih osnovnih sredstava:<br><i>Predstavljaju: unaprijeđenje i održavanje kompjuterske internet mreže i telefonije, osiguranje, registracija, servis i održavanje vozila (u slučaju nabavke), tekuće održavanje osnovnih sredstava, kupovina i adaptacija poslovnog prostora za udruženje. *(12.000,00+250.000,00 + 177.792,00 - 5 % od ukupnog prihoda + 177.792,00-5% SS )</i>  | 617.584,00 KM   |
| 7. Troškovi za analizu tržišta:<br><i>Predstavljaju: troškove analize tržišta po kategorijama korisnika</i>  | 15.000,00 KM    |
| 8. Ukupno tekući rashodi:  | 2.140.564,00 KM |
| 9. Rezerve 5% za nepredviđene izdatke:   | 107.028,00 KM   |
| 10. Ukupno sa rezervom:  | 2.247.592,00 KM |

NAPOMENA: \*

Na Skupštini 2016. godine prezentovana je kupovina poslovnog prostora za potrebe rada AMUS-a u procjenjenoj vrijednosti do 850.000,00 KM po osnovu koje je donesena Odluka o pokretanju aktivnosti za prikupljanje ponuda za kupovinu poslovnog prostora za potrebe Udruženja. U poslovnom planu za 2017. godinu predviđen je depozit, odnosno učešće u iznosu od 250.000,00 KM. Ukoliko ova sredstva ne budu utrošena u 2017. godini taj iznos će se prebaciti u 2018. godinu, uvećan za 5 % od ukupnog prihoda iz 2016. godine i 5 % iz tekućeg poslovanja Stručne službe.

## PLAN RADA UPRAVNOG ODBORA ZA 2018 .

### 1. Usklađivanje poslovanja AMUS-a sa regulativom CISAC-a

AMUS će kao (nadamo se) budući stalni član Svjetske konfederacije autorskih društava (CISAC), preuzeti niz obaveza koje podrazumijevaju postupanje po profesionalnim pravilima CISAC-a. Radi se o setu obavezujućih pravila, kako bi sve CISAC-ove članice djelovale po najboljim poslovnim, administrativnim, finansijskim i tehničkim standardima. Pravila obuhvataju sljedeće principi koje sve članice CISAC-a moraju da primijene i poštuju:

#### - Upravljanje i članstvo

Ovim principima se određuje ko može biti član kolektivne organizacije upravljanja, prava članova, sastav Upravnog odbora i usaglašenost društva sa zakonima i propisima.

#### - Transparentnost i pouzdanost

Ovi principi se bave informacijama koje je kolektivna organizacija u obavezi da razmijeni sa drugim članicama, sestrinskim društvima i CISAC-om (godišnji izvještaji, prihod od autorske naknade, pravila raspodjele, itd.) i stavom koji se odnosi na objavljivanje povjerljivih informacija trećim licima.

#### - Dozvole i naplata

Ovim principima obuhvaćeni su različiti kriteriji a koja se odnose na izdavanje dozvola, prikupljanje autorske naknade, i kontrolu korištenja njihovog repertoara.

#### - Dokumentacija i distribucija

Kolektivne organizacije moraju sprovesti cijelokupnu dokumentaciju djela u svojim oblastima, kao i raspodelu autorskih naknada u skladu sa obavezujućim rezolucijama.

#### - Usaglašenost i sukobi interesa

Opisuje razne principi koji se odnose na usaglašavanje sa pravilima i različitim procedurama za postupanje u rješavanju parnica i sporova.

### 2. Inicijativa za ubrzavanje postupka formiranja Vijeća za autorsko pravo

Svjesni problematike u vezi sa formiranjem ovog Vijeća, što je u nadležnosti Instituta za intelektualno vlasništvo BiH, pored obaveza koje je AMUS već izvršio sa dostavljanjem prijedloga svojih kandidata Institutu aktivno ćemo pratiti dešavanja i reagovati u okviru naših ovlaštenja. Ovo je potrebno učiniti zbog izuzetne važnosti djelovanja i ingerencija ovog tijela za AMUS čime bi se, između ostalog, značajno ubrzali procesi uspostavljanja tarifa i sklapanja kolektivnih ugovora sa reprezentativnim udruženjima korisnika kroz medijaciju i arbitražu Vijeća.